

# 离垢慧菩萨所 问礼佛法经

唐中天竺三藏法师那提译



南無本師釋迦牟尼佛

## 说 明

本简体校正版《离垢慧菩萨所问礼佛法经》电子书，根据《乾隆大藏经》大乘单译经，第 0517 部，唐中天竺三藏法师那提译《离垢慧菩萨所问礼佛法经》原藏影印本校正，句读仅供参考。

本电子书是免费结缘品。特此说明。

仁慧草堂

二〇一八年十一月

# 离垢慧菩萨所问礼佛法经序

唐终南山沙门释道宣撰<sup>1</sup>

惟夫慢幢难偃，三界由此轮回；爱水未清，四惑因兹流湎。自非独拔开士、出有至人，何能裂爱网而辟重关，质深疑而启昏趣？有离垢慧菩萨者，道高初住，德跨八恒，假时俗之津途，发深识之嘉问。如来以无缘之胜辩，赴有待之幽情，断五趣之盖缠，藉<sup>2</sup>五轮之礼念。所以五通、五眼，自此增修，五位、五生，承斯圆满。蕴结中夏，千六百年，颓运有踪，载闻东壤。洎龙朔二年<sup>3</sup>，有天竺三藏，厥号那提，统括六异之宗，穷微四围之典；九部八藏，词无昧于自他；十谛一乘，义有归于空色。并详略名理，妙达宏致，来仪帝里，频谒天庭，降厚礼于慈恩，将归飞于海表。以此经群圣之发轫，凡众之初心，乃出流布，传于道俗，遂依缮写，所在通之。恐未悉其来由，故因叙其缘致。云尔。

<sup>1</sup> 大正藏：终南山释氏道宣撰

<sup>2</sup> 大正藏：籍

<sup>3</sup> 大正藏：三

## ● 起诵仪

### 香赞

(一遍)

炉香乍爇. 法界蒙薰. 诸佛海会悉遥闻. 随处结祥云. 诚意方殷. 诸佛现全身.

南無香云盖菩萨摩诃萨 (合掌三称)

南無本师释迦牟尼佛 (合掌三称)

### 开经偈

(一遍)

无上甚深微妙法 百千万劫难遭遇  
我今见闻得受持 愿解如来真实义

# 离垢慧菩萨所问礼佛法经

唐中天竺三藏法师那提译<sup>4</sup>

如是我闻：

一时，佛在室罗棧悉帝城胜德林中给孤独园，与大比丘众五百人俱，菩萨无央数。又与无量婆罗门、毗舍、首陀，并诸长者，各各皆是大众之首，与其同类，来至佛所。又有天、龙、夜叉、乾闥婆、阿修罗、迦楼罗、紧那罗、摩睺罗伽，在大法会，前后围绕。

尔时，众中有菩萨摩訶萨，名离垢慧，即从座起，偏袒右肩，右膝著地，恭敬合掌，前白佛言：“世尊！欲有少问，愿见听许。”

佛言：“恣汝所问，当随意答。”

离垢慧菩萨既闻佛许，踊跃无量，而白佛言：“若有善男子、善女人等，于如来所，云何恭敬、礼拜、供养？”

佛言：“离垢慧，善哉！善哉！汝多悲愍、饶益、安乐一切人天。当善谛听，为汝解说。

“若善男子及善女人，欲于佛所，起礼敬者，先应发愿，作如是言：‘我今至心顶礼十方诸佛，

<sup>4</sup> 大正藏：大唐三藏那提译

普入一切诸胜法中。我今五轮于佛作礼，为断五道，离于五盖，愿诸众生，常得安住无坏五通，具足五眼。愿我右膝著地之时，令诸众生，得正觉道。愿我左膝著地之时，令诸众生，于外道法不起邪见，悉得安立正觉道中。愿我右手著地之时，犹如世尊，坐金刚座，右手指地，震动现瑞，证大菩提，今我亦尔，共诸众生，同证觉道。愿我左手著地之时，令诸外道难调伏者，以四摄法而摄取之，令入正法。愿我首顶著地之时，令诸众生，离憍慢心，悉得成就无见顶相。’离垢慧，是为五轮作礼之相。

“次礼十方现在诸佛，应作是言：

“‘南无东方阿閼如来。广及彼方无量世界一切如来，诸大法藏，并诸菩萨、声闻、缘觉一切贤圣。

“‘南无南方宝相如来。广及彼方无量世界一切如来，诸大法藏，并诸菩萨、声闻、缘觉一切贤圣。

“‘南无西方无量寿如来。广及彼方无量世界一切如来，诸大法藏，并诸菩萨、声闻、缘觉一切贤圣。

“‘南无北方妙鼓声如来。广及彼方无量世

界一切如来，诸大法藏，并诸菩萨、声闻、缘觉一切贤圣。

“‘南无东南方因陀罗鸡都幢王如来。广及彼方无量世界一切如来，诸大法藏，并诸菩萨、声闻、缘觉一切贤圣。

“‘南无西南方宝游步如来。广及彼方无量世界一切如来，诸大法藏，并诸菩萨、声闻、缘觉一切贤圣。

“‘南无西北方娑罗因陀罗王如来。广及彼方无量世界一切如来，诸大法藏，并诸菩萨、声闻、缘觉一切贤圣。

“‘南无东北方无量幢王如来。广及彼方无量世界一切如来，诸大法藏，并诸菩萨、声闻、缘觉一切贤圣。

“‘南无上方智光如来。广及彼方无量世界一切如来，诸大法藏，并诸菩萨、声闻、缘觉一切贤圣。

“‘南无下方毗卢遮那如来。广及彼方无量世界一切如来，诸大法藏，并诸菩萨、声闻、缘觉一切贤圣。

“‘次又归命娑诃<sup>5</sup>世界本师释迦牟尼如来。

<sup>5</sup> 大正藏：娑

广及十方无量世界一切如来，诸大法藏，及入地菩萨摩訶萨、声闻、缘觉一切贤圣。’

“又作是言：‘我今一心顶礼如上一切佛、法、诸贤圣众，当愿证知我。从今日乃至菩提，常行归依佛世尊者、大慈悲者、一切智者、一切知见者、诸畏已离者、人中大师子、大龙王、人中大仙士、大丈夫、一切遍知，不思議身、无上身、无等身、不与二乘共身、清淨法身，一切众中最尊上者，我今至诚，一心归命。’如是归命百遍、千遍、百千万遍，乃至无量无数遍，尽未来际，彻骨彻髓，归依如上诸佛世尊。

“又作是言：‘我今以身、口、意三业善根，共诸众生，归依于佛，常不离佛。如是归依坐道场者、常住常恒不迁变者、不老不死不灭坏者、无住无缘性寂靜者、住于法舍作大护念为洲渚者、为归为依证涅槃者、于诸法中住最上者，我今至诚，殷勤郑重，归命如是诸佛正法。’重又如上，至诚归命住种性中诸菩萨等，从欢喜地乃至法云，住于十地诸菩萨僧。

“次应忏悔，当作是言：‘惟<sup>6</sup>愿十方诸佛世尊，证知、忆念、哀受我忏。身业三种，行杀、

<sup>6</sup> 大正藏：唯



盗、淫；口业有四，妄言、恶口、两舌、绮语；意三业行，谓贪、瞋、痴；自作、教他、见作随喜，如是十恶，今悉忏悔。’又重思惟：‘无始已来，轮转六道，于诸众生，种种欺负。大斗重秤取物自资，轻秤小斗便与他物，假饰衣金潜行毒药，皆为损害，今悉忏悔。或谤三乘，妄说法律，轻慢三宝，欺调二亲，于诸尊长、和尚<sup>7</sup>、阇梨、耆老之前，不生祇敬。如是等过去诸罪，今悉忏悔；现在恶业，诚心发露；所未作者，更不敢作。今于诸佛，诸菩萨等最大众首、无比无上无等等前，发露忏悔，不敢覆藏，一忏已后，更不重造。’如是忏悔，第二、第三，亦如上说。

“次应劝请，当作是言：‘十方诸佛，若未转法轮，若欲入涅槃者，我皆劝请，惟<sup>8</sup>愿久住，于无量劫，愍诸众生，雨大法雨，转正法轮，不般涅槃。’

“次应随喜，当作是言：‘十方所有三乘贤圣，数如恒沙，及一切众生，修行六度助菩提法，我皆随喜。’

“次应回向，当作是言：‘十方三世诸佛作

<sup>7</sup> 大正藏：上

<sup>8</sup> 大正藏：唯

业，及诸菩萨、声闻、缘觉所行六度，尽已回向无上菩提，我亦如是回向佛道。’

“次应发愿：‘仰惟十方三世诸佛菩萨，皆发弘愿，尽虚空、遍法界所在流化为诸众生，三界所摄无有遗余，愿令众生利乐成熟，具善律仪，住大涅槃，今并现前。我亦如是大誓庄严，愿我于无上道，心不散乱，常见诸佛，常闻正法，承事修行，无有空过；所作善法及菩提心，亦不退失；所生之处，供养圣众，教化众生，得无上道，转正法轮，具大神通；亦令众生如是修学，至不退转。

“‘又愿一切众生，早断诸苦，速证涅槃，住如来智。我既出于生死，觉悟一切，亦令众生出离生死，解脱烦恼，觉悟一切。惟<sup>9</sup>愿十方诸佛，证知我行菩萨道，发兴愿海。’”

尔时，世尊而<sup>10</sup>说颂曰：

愿我所生处 随业而受形  
成大丈夫身 有信诸根具  
通技<sup>11</sup>术艺能 广解诸教意  
世事悉弃舍 诸欲皆远离

<sup>9</sup> 大正藏：唯

<sup>10</sup> 大正藏：重

<sup>11</sup> 大正藏：伎

正语住法念 庄严菩提心  
敬事善知识 有情咸见重  
威<sup>12</sup>仪既具足 净念受乐报  
常畏彼恶业 游步于善法  
恒依十度行 故得成菩提  
乃至最后身 常与众生乐  
珠中摩尼胜 能成利他事  
愿我穷未来 利益无休息

佛告离垢慧菩萨摩诃萨言：“若有众生行菩萨道，如我所说，当依修学。”

说是经已，离垢慧等，及诸大众，天、龙、夜叉、乾闥婆、阿修罗、迦楼罗、紧那罗、摩睺罗伽、人、非人等，闻佛所说，欢喜奉行。

离垢慧菩萨所问礼佛法经

<sup>12</sup> 大正藏：戒

## ● 结诵仪

### 补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

南無佛 南無法 南無僧 (合掌三称)

南無一切如来、应、正等觉 (合掌三称)

南無本师释迦牟尼佛 (合掌三称)

### 回向偈

(一遍)

诵经功德殊胜行 无边胜福皆回向  
普愿沉溺诸有情 速往无量光佛刹  
十方三世一切佛 一切菩萨摩訶萨  
摩訶般若波罗蜜

## 回向偈

(一遍)

愿以此功德 庄严佛净土  
上报四重恩 下济三途苦  
若有见闻者 悉发菩提心  
尽此一报身 同生极乐国

## 三皈依

(一遍)

自皈依佛，当愿众生，体解大道，发无上心。  
自皈依法，当愿众生，深入经藏，智慧如海。自  
皈依僧，当愿众生，统理大众，一切无碍，和南  
圣众。



此咒置经书中可灭误跨之罪

南无护法韦驮尊天菩萨

